

Broj: UP/I-05-13-1-331/24
Mostar, 19.07.2024. godine

Nacrt

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (7) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i čl. 3., 19. i 23. Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu JP „Elektroprivreda HZ HB“ d.d. Mostar, sa sjedištem u ulici Kralja Petra Krešimira IV broj: 6-A, Mostar u predmetu izdavanja Energetske dozvole za izgradnju energetskog objekta „VE Poklečani“ od 12.07.2024. godine, donosi:

R J E Š E N J E

1. Izdaje se ENERGETSKA DOZVOLA privrednom društvu JP „Elektroprivreda HZ HB“ d.d. Mostar, za izgradnju vjetroelektrane „VE Poklečani“, instalisane snage 132 MW (20x6,6 MW), odobrene snage priključenja 132 MW, planirane godišnje proizvodnje električne energije od 436,96 GWh, a koja se planira graditi na području općine Posušje i određuje joj se registarski broj: ED-00001-V-I-3/24.
2. Planirano vrijeme završetka izgradnje je 5 godina.
3. Energetska dozvola izdaje se na period od -----2024. do ----- 2029. godine.
4. Imalac ove Energetske dozvole upućuje se na pribavljanje odobrenja za građenje.
5. Imalac ove dozvole je dužan da se pridržava slijedećih uslova:
 - da poštuje važeće zakone i tehničke regulative i standarde o izgradnji elektroenergetskih postrojenja i elektrana, kao i važeće regulative za ovo područje,
 - da izgradi postrojenje u roku do ----- .2029. godine,
 - da u slučaju nemogućnosti završetka izgradnje postrojenja u predviđenom roku, iz opravdanog razloga, zatraži produženje ove dozvole,
 - da u slučaju nastalih promjena u vezi sa ispunjenjem kriterija za izdavanje energetske dozvole obavjesti Ministarstvo,
 - da primjenjuje savremene tehnologije i novu opremu u izgradnji i korištenju elektroenergetskog objekta „VE Poklečani“,
 - da se strogo pridržava tehničkih uslova za priključenje na prenosnu mrežu,
 - da Ministarstvu, nakon završetka izgradnje, dostavi upotrebnu dozvolu objekta,
 - da nakon završetka izgradnje postrojenja i pribavljanja upotrebne dozvole, Regulatornoj komisiji za energiju u Federaciji Bosne i Hercegovine podnese zahtjev za korištenje objekata, odnosno zahtjev za izdavanje dozvole za rad,
 - da se strogo pridržava uslova isporuke električne energije u mrežu u skladu sa pribavljenim dozvolama i važećim propisima i ne na štetu drugih korisnika distributivne i prenosne mreže,
6. Ukoliko imalac Energetske dozvole ne postupa u skladu sa uslovima iz Energetske dozvole, ili ne ispunjava bilo koji zahtjev koji propisuju važeći zakonski propisi vezani za građenje, pristup mreži i zaštiti okoliša, Ministarstvo će pokrenuti postupak oduzimanja Energetske dozvole.

7. U skladu sa članom 23. stav (9) Pravilnika ovo rješenje će se objaviti na web stranici Ministarstva i stupa na snagu danom donošenja.

O b r a z l o ž e n j e

Privredno društvo JP „Elektroprivreda HZ HB“ d.d. Mostar, se zahtjevom od 12.07.2024. godine, podnesenim u propisanoj formi i obrascu, obratilo ovom Ministarstvu za izdavanje Energetske dozvole za izgradnju vjetroelektrane u skladu sa članom 42. stav (7) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 14. Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uvidom u podneseni zahtjev ovo Ministarstvo je utvrdilo da je isti potpun, shodno članu 17. Pravilnika.

Na osnovu cjelokupno priložene dokumentacije se može utvrditi da podnosilac zahtjeva ispunjava uslove, propisane članom 4. Pravilnika, koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključene na elektrenergetski sistem;
- lokaciju i upotrebu zemljišta;
- zaštitu okoliša i osiguranje trajne kontrole uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Uvidom u podnesenu dokumentaciju utvrđeno je da podnosilac zahtjeva pored ostalog ima i sljedeću dokumentaciju:

- Rješenje da nije potrebno dalje provođenje procjene uticaja na okoliš, broj: UPI 05/1-02-19-4-81/23 od 31.08.2023. godine sa klauzulom pravosnažnosti od 14.10.2023 godine, izdato od Federalnog ministarstva okoliša i turizma,
- Urbanistička saglasnost, broj: UP1-03-19-2-262/23 od 11.01.2024. godine, izdatu od Federalnog ministarstva prostornog uređenja,
- Ugovor o koncesiji za izgradnju i korištenje vjetroelektrane „POKLEČANI“ na lokaciji Rakitno, općina Posušje, broj: 01-205-5/23-3 od 14.04.2023. godine potpisan između Vlade Zapadnohercegovačke županije i JP „Elektroprivreda HZ HB“ d.d. Mostar,
- Uslovi za priključak VE Poklečani na prenosnu mrežu, br: 78/24 od 23.01.2024. godine izdati od Elektroprijenos a.d. Banja Luka;
- Izjavu o prihvatanju uslova za priključak korisnika a prenosnu mrežu 110 kV, 220 kV i 400 kV, od 25.01.2024. godine od dana 01.02.2024. godine;
- Odgovor Agencije za vodno područje Jadranskog mora, broj: 40-1/21-25-230-1/24 od 09.04.2024. godine da nisu potrebni vodni akti.

Na osnovu člana 19. Pravilnika, Ministarstvo utvrđuje nacrt energetske dozvole i provodi aktivnosti o obavještanju podnosioca zahtjeva i javnosti o nacrtu energetske dozvole.

Postupajući po članu 20. Pravilnika, obavještenje za javnost o nacrtu energetske dozvole, broj: 05-13-1-24/24 od 19.07.2024. godine, za privredno društvo JP „Elektroprivreda HZ HB“ d.d. Mostar za izgradnju vjetroelektrane „VE Poklečani“, objavljeno je na službenoj web stranici Ministarstva u kojem je dat rok 15 dana od dana objavljivanja na web stranici Ministarstva. Do predviđenog roka se mogu davati primjedbe i komentari na nacrt energetske dozvole, te podneti zahtjev za sticanje statusa umješača u postupku izdavanja Energetske dozvole.

Na osnovu navedenog, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifni federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

